

TUSAGATSAk TAPVAINAk

Jânuara 24, 2017

Tapvainak SakKititaugialik

Nunatsiavummi Ikumautet Paigijaugutinginnut Pannaigutinga sakKititausimanninga

Nunatsiavut AngajukKânga Johannes Lampe ullumi sakKititsisimakKaujuk Nunatsiavummi Ikumautet Paigijaugutinginnut Pannaigutimmik, atutsiatumik ammalu sakKijâtsainaniattumik pivalliatitsigiamut piusitsamik angomagiamut ikumautinut ammalu paigijaugutigijanginnut kingomagijaujunik Labradorimi tallimani Inuit nunalinginni. Tainna pannaigutik sâmottausimalauttuk piusigijauKattatutut Hopedalimi itsivannigisimajangani Nunatsiavut katimatsuajingita.

“PitaKanginik ikumautinut paigijaugutimmik Nunatsiavummi sukkailingatitsiKattatuk kenaujaliugutet amma inoKatigeguset piguttitaugutigisonginnik kajusitsiatitaugutigisonginnilu,” uKajuk AngajukKâk Lampe. “Sivumuattisiniagutta kenaujaliugutinnik ammalu piusititsivallialuta inoKutitta inosinginnik, pijutsauvugut napvâgiamut piusitsanik kamatsianiKagiamut akunimut ikumautiKagiamut atugialittinik.”

Tâna pannaigutik – sakKititausimajuk ilonnangitigut nunatsuami silatsuamilu Kaujisannigijausimajukkut sakKijâttitauntsainasongujut ikumautet Kaningitojuni amma Taggami nunaliujuni, ammalu akKutigijautillugit uKâlautigijaugutigisimajangit iluani Nunatsiavut – ilauKatautillugit asingit nunaligijinnut sakKititauKattatunut ilingajut, taikkuanguluat illuliginimmut amma nunalinni atuttauKattatut.

“Tamatsumani iluingaisianikkut, ilautitsisianikkut ammalu sakKijâtsainaniattukut piusigijaujukkut, tâna apnaigutik ilingallagittuk kamagijaugutinginnut nunalinni kingomagijaujut ilingajuni Nunatsiavummut piusigijausimajuk isumagijauKatautillugit inoKatigegusinnut, kenaujaliugutinnut ammalu avatinut ilingajut ikumautinut. Taimâtsainak ikKanattigimmitillugu, ilijauKatausimanninga piusigijaugiaKaKattatunut ammalu maligatsagijauKattatunut aulatsiutigijanginni kavamangata Newfoundland amma Labrador, ammalu kenaujaliugutigijauKattatunut ikumautinut ilonnainut atuttauKattatunut.”

Tâna Nunatsiavut Ikumautet Paigijaugutinginnut Pannaigutik “sivullipaujuk piusitsami” sakKititsigiamut ununnisanik sakKijânginnaniattunik ikumautinnik sivunitsagijaujumi Nunatsiavummi, uKagiallajuk AngajukKâk Lampe, Kaujititsigialladluni pigasuagutiKattuKanninganik kamatsianiKagiamut tâkkua piniannigijaugumajut sakKititsigunnainginnik adjigengitunik unuttuni ikumautinut paigijaugutitsanut ikajuttaugutigijaugajattunik ilingajunik Nunatsiavummiunut amma kenaujaliupvigijauKattatunut, ammalu nunalinnut ilingattitaujut ammalu atuttaugunnatut naittumi ammalu akuniugijajumi pivitsagijaugunnatuni.

Nenittausimajumik tâpsuminga Nunatsiavummi Ikumautet Paigijaugutinginnut Pannaigutinga napvâtausok iluani Nunatsiavut kavamangata Kagitaujangita Kaujigatsanginnik atâgut nutângunippânik tusagatsanik upvalu nenittausimajunik amma atjiliugillugu tâpsuminga tugâgutimmut atânettumut:

<http://www.nunatsiavut.com/wp-content/uploads/2017/01/Nunatsiavut-Energy-Security-Plan-Inuktitut-Version1.pdf>

Tusagatsaligijik Kaujisapviugunnatuk:

Bert Pomeroy

Director of Communications 709-896-8582